

滿城縣志略卷之一

疆域一

沿革

滿城爲禹貢冀州之域戰國時屬趙昔趙簡子築北平城以拒燕是爲北平命名之始秦并六國爲上谷郡漢興六年以張蒼從征臧荼有功封北平侯置北平縣屬中山國是爲縣命名之始當時幅幘廣大畧有今易縣之南部漢書地理志云徐水出北平查徐水源出五迴山下五迴本漢北平縣故地唐開元二十三年置五迴縣於五迴東麓卽此樂氏寰宇記以五迴山繫之滿城者原其始也水經注云徐水東北屈逕郎山隋圖經云永樂郎山漢武戾

卷一

疆域 沿革

一

太子出奔其子遁此山因名郎山君畿輔志載郎山君碑屬之滿城蓋郎山爲今易縣之屬地永樂爲漢北平之分置而此云永樂郎山則郎山昔爲滿城之界內可知也又滿城舊志五公城爲漢北平侯王譚率子五人避莽所築今縣境無此城查五公山在五迴東五十里爲譚父子同隱處然則自五迴郎山順徐水而下均爲北平縣界也明矣惟城則不明所在考顧氏方輿紀要北平廢縣在完縣治東二十里爲張蒼封邑殊爲失考完縣漢爲曲逆縣陳平封邑故城在今完縣東南二十里子城村北平故城今爲北堡村二村相距不過數里萬無同時置兩封邑之理按北平郡爲後魏所置治北平城非漢之北平縣城也顧氏不察以爲張蒼封

邑所在失之遠矣保定志云漢故城在縣西二里眺山下庶幾近之然亦無確證又縣東北十里有古滿城遺蹟尙在舊志云水經注云徐水東南出山逕其城中畿輔志云此云城中即北平城也古滿城逼近徐水或即漢之古北平城歟然已不可考矣魏晉因之略無改革不具述

右周秦漢魏晉

典午渡江拓跋魏氏起於河北郡縣疆域時伸時縮或分或合泯焚極矣孝文太和中析置永寧按永寧不言理治所在查畿輔志沿革表清苑縣魏太和元年分新城置齊以永寧來治改曰樂鄉又寰宇記云高齊天保七年自滿城界移永寧縣理此是天保以

卷一

疆域沿革

二

前其理治在滿城界內可知然當時北平縣名固未改廢不過劃縣之東境一部爲永寧耳自永寧析置孝明帝孝昌中置北平郡割中山國之蒲陰望都北平三縣屬之是爲郡屬變更之始魏時郡縣異治相去本不甚遠北平郡治即在北平縣界今故城屬之完縣者特疆域稍有出入耳興和二年分置永樂縣屬樂良郡樂良僑置於永樂屬南營州南營州治英雄城即遂城地則永樂爲北平之北部當時或以北平西北多山遼濶鞭長莫及故設縣分治而北平轄地雖縮縣名仍未廢也

按永樂故城今不明所在顧氏方輿紀要以爲在縣北五里魚條山下由今考

之情勢未合查今魚條山爲西山之總名山下無故城遺蹟或言眺山即魚條山簡稱之轉據此則爲眺山下古城亦未可知然魏時北平尙未廢縣則眺山爲北平縣治所在此處不當再置永樂北周移永樂於故北平縣當即此地是魏置永樂別有縣治所在今不可考矣顧氏所云永樂故城乃北周移置之永樂非魏時分置之永樂也

至

北齊廢北平郡而以北平縣移名蒲陰屬中山郡以魏時舊北平縣併入永樂屬昌黎郡則漢之北平自是廢北周復移永樂之名於故北平縣則魏所置之永樂亦廢綜計前後不過六十餘年郡凡兩屬縣凡三易而縣界朝置夕改無志可稽此固讀史者之憾也

### 右北魏齊周

隋受周禪幅員式廓河北郡縣悉入版圖滿城仍沿周名曰永樂屬上谷郡上谷今之易縣也開皇元年移南營州於此大業初改爲郡以縣屬之隋地志云有郎山而於遂城則云有龍山當時縣界其北極於郎山而東則鄰於龍山可知然視漢代之封縣則廣

## 卷一

疆域沿革

三

狹相去遠矣舊志云隋初地多產玉改玉川郡以縣屬之繹其文義是以永樂屬玉川郡也惟隋地志無玉川郡竊意當時置郡其爲僑置永樂或別有所置均不可知舊志立說諒非無稽或旋置旋廢隋志失而不載耳唐興仍爲永樂天寶元年始改滿城蓋以縣北故滿城而名之也然舊唐書元和郡縣志均作蒲城新唐書寰宇記則改滿城當時記載不知沿譌所自歐陽氏樂氏始更正之趙氏一清據水經注蒲城立說以爲滿係蒲字之誤力詆新唐地志及寰宇記之非武斷殊甚水經注蒲城是否即今滿城姑不且論且以縣名訛舛傳說數百年無人辨之寧非異事清季滿城發見唐定遠將軍馮術墓誌有卜居河朔擇鄰滿城之語足徵唐

時確名滿城此誌爲大歷十二年十二月二十八日去天寶僅三十六年傳聞不至異詞足祛趙氏之惑矣

右隋唐

隋開皇十六年易始爲州治唐武德四年廢上谷郡復置易州屬河北道滿城改郡隸州自此始然此不過設置之異宜而縣境固無變易也自石晉以燕雲十六州賂契丹而滿城遂入遼屬遼置泰州於清苑晉出帝開運二年遣杜威符彥卿等攻泰州取滿城則滿城復爲晉屬晉徙泰州治於滿城而以舊治復名清苑周廣順二年廢泰州滿城仍爲易屬然實則顯德六年始收復易州此時不過遙屬耳此則兵戰之異勢而縣境仍無變易也蓋變易之

卷一

疆域沿革

四

最巨者莫如有宋一代宋太平興國六年改保塞軍置保州而割滿城之南境入清苑爲保塞縣景德中復省滿城入保塞自是滿城之名不見於史者百九十年其時滿城北境或割入遂城或劃歸易屬約之爲宋遼戰地界之所至今不可詳靖康時淪入金至金大定二十八年始析清苑復爲滿城而北境割劃之地竟不可復然則滿城幅幘之縮小已不及漢初之半矣元代金興屬保定路明洪武十年廢入慶都十三年復置屬保定府清因之民國三年廢府改道隸保定道十七年廢道隸河北省

右五代宋遼金元明清民國

歷代沿革表



滿城距京二千四百里距北平三百五十里在保定舊治西北四十里據最新地圖推算以北平爲零度西經一度二分北緯三十八度五十八分其縣界之毗連東至清苑縣界石二十二里東北至徐水縣白亭界三十五里孟村界三十里北至易縣南魏莊界三十里西至完縣玉山店界二十五里南至望都縣太平莊界六十五里其縣治之距離東至清苑縣治四十里東北至徐水縣治七十里北至易縣治一百二十里西至完縣治五十里南至望都縣治八十里其交通四達東南至安國縣一百四十里西南至唐縣八十里東北至定興縣一百二十里西北至紫荊關涑源縣界一百二十里

## 卷一

疆域位置

六

### 山脈

考滿城山脈在昔均稱屬太行山脈今則可稱屬恆山脈據舊地學家言首始河內北至幽州凡百嶺連亘十三州都爲太行山脈今按各新地學家所載太行山脈僅統括滹沱河以南諸山北則爲恆山脈恆山係管涔山東南支脈西南有五台山東南有常山滿城西界完縣再西南歷唐縣曲陽行唐則抵常山矣常山爲恆山東南支脈披圖索驥最爲確當故言滿城山脈推源當起恆山茲從縣西境章村起至北境下紫 止可分三段說明之

第一段由章村南山起章村南山即完縣玉山店北山也由南山北行爲尉公之西山再北爲武山武山高起東北截斷曰武山頭

下爲武山

東之峯曰箭兒頭

相傳由武山試箭正射此峯今樵夫牧子往往雨後拾得箭頭故名

再東

繞尉公村北東至界河止

界河自易縣嶺西而下爲東西流南爲完境北爲易境故名界河抵滿城石井入境東南行經永安莊東

直趨尉公北山繞山而東折而南行數里復入完縣境群河流篇

北之山爲箬箕掌東連雞冠嶼蜿蜒

北走經牛圈石大人溝老虎洞胡蘆山再西北經石版山犁鏵尖

大青山石井西山後嶼止再北則爲界河入境之處

第二段從界河入境東北岸由胳膊峪攔馬牆起

胳膊峪之西北曰鳳凰山屬易縣峪底曰

攔馬牆即與易縣分界處

歷小圈山再東爲塔兒山塔兒山東北有崗巒聳起者

爲奶奶山再東有平頂高峯爲月明頂南爲大羊頂小黑山東南

下行爲雞冠嶼老虎坨

按雞冠嶼等名已見前土人命名多重複下仿此

嶼東山勢低平再東

爲石奶奶石爺爺兩峯南北對峙峻嶒聳峭狀如人立甚爲奇觀

### 卷一

臺域山脈

七

自此分三大支一支西南行爲黃土寨懸崖削壁土石作黃色相

傳古人屯兵於此寨南爲九龍溝溝南爲龍王峪西南爲大雁頂

頂東坡有興隆寺樹木青翠寺中水池四時不絕再下山堂頂小

北山屬焉寨東爲白山坡南行歷龍背山豬嘴山石鼓山葫蘆山

再南山勢低斷爲由縣治赴石井大路再南山勢隆起作環抱形

爲抱陽山內谷溫和隆冬之時冰雪少積春夏花木蓊鬱又名花

陽山爲滿城第一名勝

詳見名勝

抱陽山東北三里有山不高形如巨

舟與他山不連爲陵山山上有仙人跡曰陵山異跡滿城八景之

一此西南行一支諸山也一支東行爲白石溝沙石頂草垛山龍

門頂黃堂子箬箕掌廟兒頂石牛頂再東山勢崇峨羣峯環拱者

爲花子寨

或言羣丐聚會之所或言古人來此避兵今其地尙見有破甑碎甑及殘缺不完之石曰埋沒於亂石叢草間殆不可詳

自此分三

小支一支寨南由蓮花山

一名打磨山

起經燕子窩摩天領懸坡頂塔

兒頂黑石馬火盆頂黃堂嘴小東峪大東峪箬箕嶠兔兒坡

一名火石嶠

止又東孤峯突起者爲眺山山勢巍然獨立可以遠眺春和景明

望之蔚秀所謂眺山春色者也一支寨東由大肚山起歷大廟山

破甲山至大寺山

由大廟頂至大寺山統名謁山

山東爲市頭村南小嶺山西北

曰馬峪溝經玉山嶺東坡至八寶嘴止一支寨東北由南騎馬北

騎馬至臥虎山止此東行一支諸山也一支東北行爲白大嶺經

楊家蛇子忽有高峯插天嵐光蔚然者曰玉山

一名樹葉尖由山頂東北望形如樹葉故名俗

又名檜樹尖又名大戳尖極言其高也山多白石如玉昔人謂燕石似玉者指此清時滿城縣令皮殿選詩云驅車玉山下仰見浮雲白雲中樹葉尖突兀含光澤名山應鍾

### 卷一

#### 臺域山脈

八

靈聞產似玉石美石似玉珍求之了無獲似玉尙難求真玉何處索畢然望金臺長嘯加鞭策

玉山爲縣境諸山主峯八景

中所謂玉峯聳翠者也再東北又分兩小支北支由三尖窪至黃

嶠止東支從槐樹峪經蛤蟆塘禿鳩峪寡拉嘴南土坡北土坡止

此東北行一支諸山也過此則爲神星村南赴涑源大道

第三段從神星村東北豬河峪起南行至月明寺山嘴東轉有九

龍溝大小蚰蟬嶺長嶺短嶺坑石峪東肚西肚黃嶠窟帽兒山平

頂冠葡萄峪小東山北眺山東山嘴折而北爲砵子峪再東北爲

銅鑼山由銅鑼山再轉西北爲老婆峪小子峪葫蘆嘴達子峪又

東北爲張山

東爲滿境西爲易境

由內東北行山勢環抱狀若列屏者

爲環山一名紫山朝曦甫上一縷嵐光橫掛山腰即八景所謂

紫 晴嵐者也再東爲半壁山西北屬易境東北屬徐水半壁山  
東南爲燕子尖疙疸山龍王山又東南曰鳳凰山西南三里突出  
一峯曰孤山龍王山正東里餘曰玉皇山山北二里有小山本境  
山脈至此終焉

山脈補證

松山 畿輔志載滿城西南有松山謂山多松樹風雨撼之作笙  
簧聲查今滿城西南三里爲陵山先時亦不產松方輿紀要作  
府城西北七十里考水經注載徐水又東南流歷石門中東南  
出山逕其城中似此處有城當在今易縣境水峪以下鐘家店  
鞏莊一帶距府城正七十里或距此三里有山舊時產松而畿

卷一

臺域 山脈

九

輔志重修於清光緒年間仍載入滿城殆忘滿城之沿革而未  
加深考耳

尉公山 在縣西南二十里凡屬尉公附近之山如西山武山箭  
兒頭北山皆爲尉公山

石井山 在縣西二十里如石井附近大青山西山塔兒山奶奶  
山皆是而舊志載有青山寨柏樹寨查青山寨即大青山柏樹  
寨詢之村人皆不知爲何山

黃土山 舊志載在縣西十里亦名黃土寨在今縣西十五里非  
十里舊志失實

龍王峪 畿輔志載縣西北十五里今考在九龍溝下龍背山西

南大雁頂東

漫峪嶺 舊志載在縣西二十里其形長漫故名嶺上有仙人跡  
此次調查山脈自章村起至下紫 止確經實地測驗並無此  
山又從石井村西南北三部挨山詳詢村人亦皆不知其名山  
固有今昔殊名者然今無魚條山名考之山脈則確知爲距城  
五里昇賢村北之總山名謁山山脈則確知距城七里之大廟  
頂諸山勢如朝謁故名謁山今從縣西二十里外求之所謂山  
形長漫仙人足跡者竟不可得因歎舊志多因仍附會之辭無  
精確之考據也

崗頭山 在縣北十五里爲月明寺以東之山

卷一

臺域 山脈

十

荊山 在縣北十五里由槐樹峪起統三尖窪黃嶠禿鳩峪寡拉  
嘴諸山山多產荊故名

按以上各山在某村附近村人皆有俗名他處則以某村名之  
歷年久遠不無變更地學家仍循舊名不考今地以致古有其  
名今無其地按名索地疑案叢生後之君子尙當於實驗求之  
勿爲前書所誤也

河流

縣境亂山叢錯無巨流可稱大致河分三部北境徐河康河葫蘆  
河東境奇村河侯河南境方順河金線河白草溝河下游均滙流  
於清苑河茲分述如左

徐河縣城北十里

名沙河亦  
名大册河

源出廣昌南大嶺下即所謂五迴嶺也

五迴漢時隸北平爲滿城境水經注云徐水東北屈逕郎山又云

東南流歷石門山中

今俗名  
龍門

郎山去今滿城六十里石門去今滿城

三十五里彼時均屬滿城縣境故水經注云徐水逕北平縣也今

郎山石門悉爲易縣境故述滿城徐水當自石門山下豬河峪始

由豬河峪南二里至月明寺山口折而東至崗頭村南河流展寬

春冬水淺沒脛夏秋之交山洪暴發沿岸禾稼每被冲沒水落則

白沙彌望居民苦之沿岸村莊北岸自崗頭而下大册方上沿村

南宋西莊等村南宋尤逼近河岸故老相傳先時村距河里許後

因山洪北徙村爲冲去大半現今村中寺廟皆在村南是其遺蹟

## 卷一

疆域 河流

十一

南岸爲市頭村兩漁要莊馬房黃村賢台等村長約四十里兩漁

黃村亦逼近河岸山洪暴漲往往冲入民宅民國十八年大水兩

漁冲毀房屋百餘間亦可慮也東南至東莊店出境入徐水縣界

會流曹水康河發源於易縣北趙莊經過六盤山之南石版山之

北東南流抵神星村入滿城界清流如帶沿河稻田鱗錯桃杏成

林景致絕佳春季學校旅行往往至此東流四里入徐河葫蘆河

源出市頭村西北清流漪漪可溉田村東稻畦甚多味尤薌美池

塘徧栽蓮藕葶薺蒲葦獲利亦豐

奇村河發源於縣城東八里一畝泉一名尙泉萬泉湧出流注一

池澗畝許故名一畝泉一統志云程伊川先世居此所謂藻西莊

者也由池東出曲折南流抵奇村名奇村河北有黑風泉年久淤

塞民國十年四省經略使曹錕詢訪土人挖出南流滙歸奇村河

自奇村越北石橋有西來紅花泉注之再南至賈家莊西有申泉

乙泉 申泉一名雞距泉 東至響閘合流注之響閘者居民所資以蓄水灌田

者也 按畿輔通志有藻西閘一名響水閘萬歷年間鄉人孫慎修造未知是否此閘無碑誌可考 經賈家莊水磨閘 居民蓄水

製磨麵粉日磨麥十餘石獲利甚厚 又東南流抵南章出境入清苑界之蠻子營村下

流會為清河 按宋史河渠志淳化四年何承矩為河北屯田制置使自保州西合雞距泉尚泉為稻田方田衡廣十里其水深五尺至三尺曰西塘泊取江

南早稻種之民賴其利今塘泊已淤不知何地查奇村西北地多沮洳居民至今尚開畦種稻或即在此

侯河發源縣之東南十八里石家莊涓涓細流其名不著南二里

老張廟又有細泉湧出與侯河合由江城鎮南而東流至郎家莊

卷一 臺域 河流

十三里出境入清苑界滙流白草溝河

方順河在縣城南五十里曲逆蒲河之委也蒲河源出完縣石碾

山逕白司城安陽義山南蒲村北蒲村北城村子城村與曲逆正

河合曲逆河源出完縣伊祁山下五龍泉一統志所謂五雲泉也

逕源頭村東西吒 陳侯朝陽魏村抵廣利河 又東逕堯城社

屯頭高庾子城等村與蒲河合二流合併由南固店西南二里入

滿城境為方順河東流分為二支乾隆十年建閘其上北為滙通

閘南為金線閘中則總名雞心閘為方順河分流處 按今三閘均圯壤金線河月牙

河已淤塞無水即方順橋下亦乾涸無水惟夏月有之 自閘而南者為金線河閘西上游開一減河

名月牙河逕方順橋村西東南流至苟各莊仍與金線河合又八

里至河圖村東入清苑縣界由郝莊魏莊南大冉等村過西石橋東石橋至梁河橋西由蓮花橋開下入清河自開而北者爲白草溝河由太平莊陘陽驛湯村鋪郭村至東閻童經縣二十五里入清苑境過清苑之大汲小汲三里鋪會流滿城之侯河至保定南關與奇村河會爲清河

渝水舊志所稱渝水伏流者也在縣西十五里源於易縣大青開山其蜿蜒東流爲易完分界處亦曰界河抵土門東南入滿城境越石井又東南至渝河村伏流至縣東八里湧出爲一畝泉水經注所云泉頭水也由渝河村東南過尉公又南至章村復入完縣界經玉山店南至韓童入蒲河亂石磕磕名乾河套惟秋夏山洪

卷一

疆域 河流

十三

發時有水

按水經注魚水出北平縣西南魚山水發其下今魚條山下無水疑魚水或即渝水同音